

Lustrea, koipea, karea

LUIS FERNANDEZ



INDIGNATZEKO orduan, ez dago espainola baino hoberik. Indignazio espainola, nonbait, duintasun seinaletzat hartua dago, baina, finean, afektazio ikur erridikulua eta keinu hipokrita besterik ez da. Neurrigabeko hunkidura, mina eta indignazioa adierazten duenari koipelustrea esaten zaio nire herrian. Ezbarhen bat gertatzen zaizunean, itxura hutsezko negarrez eta minez kontsolatzera datorkizun senide gorrotatua da koipelustrearen paradigma: lustrea ematen diolakoan, koipea besterik ez darie bere pena adierazpen higuinagari. Koipea eta lustrea ederto nahastu ziren joan den asteburuan Sevilla partean. A ze espektakulua. Eta, dena biribiltzeko, indignazio paregabe hori, hotel-zerbitzarien greba saioa zela-eta, edo telebista italiarreko iruzkin batzuen inguruan (Claudia Schifferrekin konparatu zuten gure Elena moñoña, podologoaren emazte berria).

Baina are lotsagarri eta koipetsuagoa da, dudarik gabe, GAL auziaren inguruan espektro politiko espainol osoak erakusten duen indignazio hori. Hamar urteren buruan, demokraziako desagertuen hezurak kare artetik desitxuratuta azaldu direnean, dena da kondena, indignazioa, justiziazko balio demokratikoaren aldarrikapena. Nor dira indignatzen diren horiek? Krimena nahita ahaztu eta justifikatu zuten haietxek berak. Zalantza dut, ea agerira irtengo diren gai ilun honetan balak jarri zituztenen izenak, baina behintzat, hilketa hau ezkatutzeko karea jarri zutenak nor diren jakiteko ez dut behar ikerketarik. Indignatzen diren berberak dira, albistearen argitalpena ezkontza jakin batzuek atzeratzea erabaki zuen egunkari-zuzendari koipelustreagandik hasita.

Quosque tandem?

IÑAKI MENDIGUREN



«**ARAKATU** du-gu lurra, eta bakean eta bare aurkitu dugu» esaten diote zaldizkoek Jaunaren aingeruari Zakariasen lehen ikuskarian (Za 1, 11). Zein mundutan ibili ote ziren haiek? Gurean ez!

Inguratzen gaituen zurrunbiloaren erdian, errealtate iraunkor bat agertzen da nagusi: atsekabea eta samina nonahi; gizakia gaixo, gizartea ondoezik. Eta kontsolamendu urria da soziologiek esatea krisia berezkoa duela gizarteak, horrelaxe egiten duela aurrera. Hori bezain egia baita sufrimendua —neurri handi batean— geure bidegabekeriaren ondorio soil dela, eta, beraz, ezinbestekoa ez.

Itxaropen-izpi bat nonbait aurkitu nahi, eta gogoratu dut badela euskal poeta bat gure Herriaz 'hazi ustelduaren' teoria duena. Alegia, landare berria ernetzeko hazia usteltzen den lege, egoerak ere hondo jo behar duela bizi-proiektu berria sortzeko. Baina noiz arte horrela? Azken aldikoak ikusita...

Asko pentsaten ote da hainbeste giza sakrifizio ezin dela antzu eta alferrikako izan? Lasa eta Zabalatarrek justiziá eskatu dute, mendekurik ez. Justiziarik onena, gatazkaren konponbideetan aurreratzea litzateke. Gezurra dirudi, baina agian, hezur zahar horiek diotena entzunda, katarsi kolektiboaren ostein, lotsatuta, izu-ikaraz, zentzubidean sartu eta gizarte sanoagorantz abiatzeko indarrak sendotuko dira. Sufrimendua emankor balitz bederen!

EL MUNDO

Lasa eta Zabala

Hemen dugu, bai, hondo jo dugu, geure buruekin topo egin dugu, min egiten duen lekuan zizt egin dugu. Larritzen ari garena ez da ETAKide bat, goardia zibil bat edo partikular bat, ez eta biktima bat edo berrero bat ere, Espainia larru-karezta-tzailearen gorputza bera baizik, eta horregatik batek apenas ikusten duen irtenbiderik gai hori konpontzeko. Hemen demokrazia dago arriskuan, herria, Estatua. Ez litzateke lehen aldia izango batzuen eta besteen artean suizidio kolektiboa gauzatzen duguna, baleen

gisan. Gure gerra zibil guztiak suizidio kolektiboak izan dira. Orgia beltzean sartu nahi ez duenari gorria edo marikoia deritzote.

FRANCISCO UMBRAL

DEIA

Barrionuevo edo PSOEn ordua

Sozialistek bakarrik babesten dute Barrionuevo, bere alderdikideek. Gai nontzekoek, gero eta aldarriz ozenagoa eginez, ministro ohiak ardura politikoko keinu bat eskaintzeko eta egun duen diputatu kargua uzteko eskatzen dute.



EL ROTO / DIARIO 16

Horrelakorik egin nahi ez duenez, Barrionuevo susmo bat indartzen ari da, alegia diputatu kargua utziko balu aforatu gisa duen ezkutu ba-

besgarria galdu eta berehala GALen sarea ikertzen ari den epailearen aurrean agertzeko deia jasoko lukeela.

EDITORIALA

ZUZENDARIARI

Izarraizpe Kooperatibako Batzordearen oharra

Akordioak eta negoziaketak hitzetik hortzera dabilten une honetan Izarraizpe Iraskaskuntza Kooperatibako Batzorde Burgoak zera adierazi nahi du:

1.- Elkarrizketaren aldeko agertu izan dela beti eta elkarrizketaren aldeko gaitasuna orain ere.

2.- Elkarrizketan alternatiba guztiak aztertu behar direla.

3.- Elkarrizketak gardentasunez, transparentziaz eta irekitasunez burutu behar direla, alde bakoitzak dituen proposamenak, dauden adostasunak, desadostasunak eta akordioak bazkide guztiei zehatz-mehatz eta puntualki azalduz.

4.- Orain arte bezala, zerbait berria dagoenean, adieraziko dugula, zurrumurruak baztertuz.

5.- Zenbaitzuren arazo pertsonalak eta zenbait erakunde eta talderen interes eta komenentziak alde bat utziz,

ifarra eta helburua ikastolaren Hez-kuntz Proiektuak izan behar duela.

6.- Erabakiak Batzar Nagusian kooperatibako bazkideek hartu behar dituztela eta ez inongo bulegotan gutxi batzuk hartutakoak inposatu.

7.- Izarraizpe Iraskaskuntza Kooperatibako Batzorde Burgoa beti egon dela irekia eta oraintxe ere irekia dagoela Urola bailarako ikastolaren proiektuari irtenbiderik onena bilatzeko eta emateko.

IZARRAIZPE IRAKASKUNTZA
KOOPERATIBAKO BATZORDE
BURGOA

Azpeitia (Gipuzkoa)

Okerra zuzendu nahian

Martxoaren 18an, iluntzeko 8etan, 'Gaur Egun' albistegian, Euskal Herriko zenbait ezkontza azaldu ziren, horietako bat Mutrikukoa. Honen inguruan aipatu zena ez dator bat gertatutakoarekin, eta beronen azalpena emango dugu:

Egun horretan, eguerdiko 12.30etan,

Txurruka plazan eta Korrika 9a aitzakia izanik, herriko txankamakilak, trikitilariak, bertsolariak eta beste hainbat jende bildu ginen aipatu plazan Korrikaren aldeko kuestazioa egiteko eta ez ETBn aipatu zen bezala ezkontza animatzeko. Guk ez genuen zerikusirik ospakizun honekin, gu Korrikaren ekitaldian geunden eta honen froga ETBko kamarek jarritako pegatak.

Esaerak dioen bezala «Olloa eta egia doaz gainera».

Manipulaziorik ez!


MUTRIKUKO TXANKAMAKILAK,
TRIKITILARIAK ETA AEK

Oharra:

Iritzi ezberdinek tokia izan dezaten, ez da komeni makinaz idatzitako 20 lerro baino luzeago idaztea gutun hauetan. Idatzi duenaren izena, telefonoa, helbidea eta NANen zenbakia agertu behar dago. Laburtu behar izanez gero, zuzendaritzak bere esku du horretarako eskubidea.

GAIA JARRITA

JOHN SOSACK



John Toshack

Toshack Reala utzi ta joan zanean duda bat gelditu zan gure barrenean, sendiko arazoak zeuzkala aldean. Okerrak zuzenduta jarri da lanean: Deportibon fitxatu dute azkenean.

JON AZPILLAGA

Egunkaria

Batzorde Parekidea: 72564 E / Lege Gordailua: SS 800/90



OJDK IKUSKATUTAKO HEDAPENA

Administrazio Kontseiluko Lehendakaria: MARTIN UGALDE

Kontseilu Editorialeko Zuzendaria: JOAN MARI TORREALA

Kontseilari Ordezkarria: IÑAKI URÍA

Zuzendaria: MARTXEL OIAMENDI

Gerentea: FERMIN LAZKANO

Publizitate: MARI JOSE SARASA

HELBIDEAK

Egoitza nagusia: Gudarien etorbidea, 2/g / 20140 Andoain

☎ 30 02 22 / Erredakzio faxa: 30 02 55 / Publizitateko faxa: 30 02 55

Araba: San Antonio, 20-1. ezker. / 01005 Gasteiz / ☎ 23 38 72 / Faxa: 23 38 72

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea

☎ 17 80 78/79 / Faxa: 17 80 77

Bizkaia: Zabalburu Enparantza, 2-1. ezker. / 48003 Bilbo

☎ 410 40 46 / Faxa: 410 37 15

Lapurdi / Nafarroa Beherea / Zuberoa: Pannecau 14, 1/503 P

kutxatila, / 64100 Baiona / ☎ 59 52 35 75 / Faxa: 59 25 75 11